

Broj: 07-1-21/1- 639 /22
Sarajevo, 28.03.2022. godine

Primijeno:	04-04-2022		
Org. jed.	Broj	Priloga	Vrijednost
05/1-	02-	94/22	

Gosp. Ramiz Karić
Zastupnik Zastupničkog-Predstavničkog doma
Parlamenta Federacije Bosne i Hercegovine

PARLAMENT FEDERACIJE BOSNE I HERCEGOVINE ✓
ZASTUPNIČKI DOM-PREDSTAVNIČKI DOM
n/r sekretara

BOSNA I HERCEGOVINA
FEDERACIJA BOSNE I HERCEGOVINE
GENERALNI SEKRETARIJAT
VLADE FEDERACIJE BOSNE I HERCEGOVINE

PREDMET: Zastupničko pitanje Ramiz Karić, odgovor, *dostavlja se*
VEZA: Vaš akt broj:03-04-321-8/2022 od 15.03.2022. godine

Postupajući u skladu sa aktom Sekretara Vlade F BiH broj i datum označeni u vezi, a koji se odnosi na dostavljanje zastupničkog pitanja koje je zastupnik Ramiz Karić postavio na 30. redovnoj sjednici Zastupničkog doma Parlamenta Federacije BiH održanoj dana 09.03.2022. godine, koje se odnosi na „kada će Vlada Federacije Bosne i Hercegovine u skladu sa obavezom iz člana 173. stav (7) Zakona o vodama („Službene novine Federacije Bosne i Hercegovine, broj 70/06) na prijedlog federalnog ministra poljoprivrede, vodoprivrede i šumarstva i federalnog ministra nadležnog za okoliš donijeti propis o uslovima za oslobađanje od plaćanja posebne vodne naknade u cjelosti ili djelimično, kako bi na taj način obveznici plaćanja vodne naknade mogli početi ostvarivati to pravo u skladu s Zakonom“, dajemo sljedeći

ODGOVOR

1. Odredbom člana 3. tačka cc) Uredba o uslovima ispuštanja otpadnih voda u okoliš i sisteme javne kanalizacije (Službene novine Federacije BiH br. 26/20 i 96/20, u daljem tekstu: Uredba), data je definicija tehnoloških otpadnih voda – „to su sve otpadne vode koje nastaju u tehnološkim postupcima i ispuštaju se iz objekata u kojima se obavlja bilo kakva industrijska ili privredna aktivnost, osim sanitarnih otpadnih voda i oborinskih voda“.
2. Odredbom člana 3. tačka s) Uredbe data je definicija oborinskih onečišćenih voda – to su otpadne vode koje nastaju ispiranjem oborinama s površina: autocesta, aerodroma i sličnih prometnih objekata, benzinskih crpki, radionica za popravak vozila sa nenatkrivenim radnim prostorom.

Slijedom navedenog proizilazi da za ispuštanje tehnoloških i oborinskih onečišćenih otpadnih voda, sva pravna i fizička lica iz industrijske i privredne djelatnosti koja vrše ispuštanje tehnoloških i oborinskih onečišćenih otpadnih voda u sistem javne kanalizacije ili u okoliš su dužni raditi monitoring otpadnih voda u skladu sa odredbom člana 19. Uredbe.

3. U vezi sa navedenim definicijama prema odredbama Uredbe, korisnik objekata koji svojom djelatnošću izgradnje i korištenja izgrađenih objekata dovodi do ispuštanja otpadnih voda u površinske vode ili njihovog indirektnog ispuštanja u podzemne vode, što su aktivnosti koje prema odredbama člana 109. stav 1. tač. 2., 3. i 9. Zakona o vodama podliježu obavezi pribavljanja vodnih akata tj. prethodne vodne saglasnosti (PVS) i vodne saglasnosti (VS) prije izgradnje i vodne dozvole (VD) kod puštanja objekta u upotrebu, *bez obzira na postojanje uređaja za prečišćavanje otpadnih voda*. Izdata VD se periodično obnavlja tokom perioda rada objekta shodno odredbama čl.115. i 116. Zakona o vodama. U direktnoj vezi s tim, na osnovu odredbe člana 170. stav 2. Zakona o vodama, naprijed navedeni korisnici objekata kao obveznici pribavljanja vodne dozvole su i obveznici plaćanja posebnih vodnih naknada (PVN) za zaštitu voda, a shodno količini zagađenja izraženoj preko ekvivalentnog broja stanovnika (EBS) koju produkuju. Precizne odredbe o načinu utvrđivanja količine zagađenja, obračunavanja i plaćanja PVN-a su date u Pravilniku o načinu obračunavanja, postupku i rokovima za obračunavanje i plaćanje i kontroli izmirivanja obaveza po osnovu opće vodne naknade i posebnih vodnih naknada (Službene novine Federacije BiH, br. 92/07, 46/09, 79/11 i 88/12, u daljem tekstu: Pravilnik).
4. Odredbom člana 173. stav 2. Zakona o vodama utvrđeno je da se obveznik plaćanja posebne vodne naknade u cijelosti oslobađa plaćanja posebne vodne naknade ako:
 - samostalno vrši prečišćavanje otpadnih voda na način da ispunjava uvjete u graničnim vrijednostima zagađujućih materija iz člana 55. ovog Zakona i ako mulj sa postrojenja za prečišćavanje odlaže na propisan način,
 - je u mogućnosti dokazati odgovarajućim tehničkim elaboratom osiguravanje smanjenja emisije zagađujućih materija ispod vrijednosti utvrđenih Uredbom.

Pored toga, potrebno je imati u vidu da je odredbom člana 173. stav 1. Zakona o vodama propisano da obveznik plaćanja posebne vodne naknade **može** u posebnim slučajevima biti u cijelosti ili djelomično oslobođen plaćanja posebne vodne naknade, iz čega proizilazi da Ministarstvo nije obavezno da obveznika oslobađa obaveze plaćanja posebnih vodnih naknada.

5. Propis iz člana 173. stav 7. Zakona o vodama nije donesen prvenstveno iz razloga što se tokom trinaestogodišnje primjene ovog zakona pokazalo da kod većine subjekta koji izgrade uređaje za prečišćavanje kvalitet izlaznih parametara efluenta varira ovisno od varijacija količine zagađenja, efekata rada uređaja te hidrološke situacije, pa **je i dalje** neophodno vršiti monitoring i utvrđivati količinu zagađenja. Upravo iz ovih razloga u Izmjenama i dopunama Zakona o vodama, koji je u parlamentarnoj proceduri, je predviđeno **brisanje** odredbe člana 173. Zakona o vodama. Takođe, ovom Ministarstvu su se, u vezi s navedenom odredbom Zakona o vodama, određeni subjekti obraćali za oslobađanje od plaćanja PVN, te su se vodili drugostepeni postupci po istim. Slijedom navedenog, organizovan je sastanak sa nadležnim agencijama za vode koje prema članu 156. stav 1. tačka 10. Zakona o vodama učestvuju u pripremi politike sektora voda i legislative koja se odnosi na vode, gdje se razmotrila opravdanost donošenja predmetnog propisa, problemi koji bi se javili u primjeni, kao i sva saznanja iz susjednih zemalja. Donesen je Zaključak da

se, iz razloga navedenih u tački 4. 5. i 6. ovog Mišljenja, propis iz člana 173. stav 1. Zakona o vodama se neće donositi jer je ovo pitanje drugačije riješeno Izmjenama i dopunama Zakona o vodama.

6. Uložena finansijska sredstva za izgradnju uređaja za prečišćavanje otpadnih voda, se vraćaju kroz smanjeno opterećenje efluenta zagađujućim materijama, što doprinosi smanjenju broja EBS-a na osnovu kojeg se obračunava i plaća PVN za zaštitu voda. Dakle, u skladu s principom „zagađivač plaća“ i shodno zakonskim odredbama - koliko zagađivač zagađi toliko i plaća. Ponovo napominjemo da ugradnja uređaja za prečišćavanje otpadnih voda **ne znači** eliminisanje obaveze plaćanja naknade za zaštitu voda, ako se i dalje usljed vršenja njihove djelatnosti zagađuju površinske i podzemne vode.

S poštovanjem,


MINISTAR
mr. sci. Šemsudin Dedić

Dostaviti:

- Naslovu 3x
- Sektoru za vode
- a/a